

館
課



門
生
吳
弘
安

前半閒話
稍多

蕭曹丙魏相業評

嘗攷古今世運之盛衰必由人才之得失矣而人才得失實關主鑑有主鑑所不及者天必生一二治亂之才以乘其盛衰之運此宰相之任與天子參也苟輔弼大臣如其人則人材得而世治非其人則人材失而世亂是故元愷升而唐虞盛伊呂用而湯武寧仲父進而小白興五臣顯而重耳霸得人而興于茲概見夫三代之人才尚矣其降莫如漢愚觀東西漢之興也興于得人然開創守成實為兩局其贊創業

而稱賢相者咸曰蕭曹。繼守文而稱賢相者必先丙
魏。果不無優劣哉。昔高祖之提三尺起沛上也。羣英
未集而鄼侯從之。其擇主之明。留侯之外無及焉。至
其定律造宮。轉輸百萬。運籌千里。入關先圖籍。偶語
識淮陰。高祖之所以成帝業者。何之功居多。參之繼
也。不敢少變其法度。而漢惠之初政。聿新。顧何參之
事主。一度幾閔天。散宜之於周。耶高祖之謂。呂后曰。
蕭丞相百歲後。惟參可以代之。何臨終亦引參為已代。
參不知也。而聞喪治裝。慨然以天下為已任。夫比肩

而稍有差議。生死而終無異心。古大臣公而忘私。以
人事君之誼。何參近之矣。迨夫保身于功。益天下之
後。受命于劉氏。安危之頃。其識量過人。遠甚。而平陽
之次于鄼侯者。功德較然矣。厥後魏丙之於宣帝。同
時得主。其相繼也。如蕭曹然。夫相之以中丞。輔政
也。始無不白之封事。卒收謹言之功。上無苟且之政。
下多稱職之能。如獻納賈董。白去副封。其功有足多
者。然而霍氏趙廣漢之事。君子不無訾焉。顧孝宣之
聰察甚矣。天下方憂于苛也。丙吉尚寬好禮。匡正良

多其言曰、宰相惟務大體、以調變為任、其所以不屑
細務、不理閹殺、與保護王躬、功成不伐者、其意云
救耳、顧人主以相臣為治亂、相臣以氣運成功名、三
代而下、全宰相之才者何也、參之度差勝之、而術不
逮矣、全宰相之度者吉也、相之才不逮焉、而德愈遠
矣、故曰高祖之臣、平陽次于鬱侯、孝宣之佐、高平賢
于博陽、然一成功于開創、一著名于守成、難易殊而
純疵見、愚為四君之不能異地而同揆也、明矣、三代
而下、欲伯仲伊呂、豈不難哉、

